

The Electronic *Manipulus florum*
www.manipulusflorum.com

Apostoli m
cum fonte primo

Paulus terram simul ac mare,
Greciam simul atque barbariam,
omnemque prorsus, quanta est sub sole regionem,
quasi uolitans circuiuit, non simplici labore
uelut in uacuum itinera percurrens,
sed peccatorum spinas pariter euellens,
nimbum pietatis ubique seminans, errores fugans,
ueritatem reducens, ex hominibus angelos faciens,
quin immo ipsos homines
quasi ex demonibus angelos prouehens.

Crisostomus de laudibus Pauli omelia I.

Quae sacrificia Paulus offerat. – Neque uero
his tantummodo sacrificiis contentus fuit:
sed quia bene se ipsum consecraverat Deo,
etiam orbem uniuersum studuit offerre:
qui terram uidelicet ac mare,
Graeciam simul ac Barbariam,
omnemque prorsus, quanta est sub caelo, regionem,
quasi uolitans, circumiuit, non simplici labore,
ueluti in uacuum itinera percurrens;
sed peccatorum spinas pariter euellens,
et uerbum seminans ubique pietatis, fugans errores,
ueritatem reducens, ex hominibus angelos faciens:
quin imo ipsos homines
quasi ex daemonibus in angelos prouehens.

Iohannes Chrysostomus, *De laudibus sancti Pauli
apostoli homiliae*, 1 (PG 50, col.474).